

ՀԱՅ ԺՈՂՈՎՐԴԻ ՄԱՍՆԱԿՑՈՒԹՅՈՒՆԸ 1826—1828 ԹԹ.
ԴՈՒՍ—ՊԱՐՍԿԱԿԱՆ ՊԱՏԵՐԱԶՄԻՆ

Կ. Մ. ՀՈՎՀԱՆՆԻՍՅԱՆ

Հայ ժողովրդի լայն խավերը գործուն մասնակցություն ունեցան 1826—1828 թթ. ռուս-պարսկական պատերազմին, որը խոշոր նշանակություն ունեցավ արևելահայության ճակատագրի համար:

1826 թ. հուլիսի 16-ին, երբ Երևանի սարդարի և նրա եղբոր՝ Հասան խանի գործերը ներխուժեցին Շորագյալ և Փամբակ, թշնամական բանակին դիմադրության հերոսական օրինակ ցույց տվեցին Գյումրի քաղաքի մոտ գտնվող Փոքր Ղարաքիլիսա (Խղարաքիլիսա) գյուղի անձնազուհի պաշտպանները: Նրանք մի բանի անդամ ետ են շարտում Հասան խանի զորաջոկատների գրոհները: Այնուամենայնիվ թշնամուն հաջողվում է գրավել այդ գյուղը, երբ ընկնում են նրա վերջին պաշտպանները: Արխիվային մի վավերագրի համաձայն, միայն այս գյուղից զոհվում է 1115 մարդ՝ 600 տղամարդ և 515 կին¹:

Պատերազմի առաջին իսկ օրերին, 1826 թ. հուլիսի 28-ին հայ ազատագրական պայքարի նշանավոր գործիչ Ներսես Աշտարակեցին ճառ է արտասանում Թիֆլիսում և թշնամուն դիմադարձ կանգնելու կոչ անում. «...Ելեք, կովեցեք մինչև արյան վերջին կաթիլը հանուն հավատի և հայրենիքի...»²: Իսկ մեկ օր հետո, հուլիսի 29-ին, շրջաբերական մի նամակով նա դիմում է Թիֆլիսի, Նիղավետուլի, Ղարաբաղի, Նուխու, Շամախու, Բաքվի, Գերբենդի թե՛ քաղաքների և թե՛ գյուղերի հայ ազգաբնակչությանը՝ հոգևորականներին և աշխարհականներին և հորդորում զենք վերցնել ու կովել թշնամու դեմ³:

Ներսես Աշտարակեցին ռուս-պարսկական պատերազմի ողջ ընթացքում շրջաբերականներով և կոչերով դիմում էր իր ժողովրդին, ովևորում նրան, բացահայտում այն հսկայական օգուտը, որ հայ ժողովրդին կբերի ռուսական զենքի հաջողությունը, միաժամանակ պահանջում՝ բազմակողմանի օգնություն ցույց տալ ռուսական բանակին, հավատարիմ մնալ ռուսական պետությունը:

Ահա թե ինչ էր գրում նա Հաղրատի շրջանի գործակալ Մարտիրոս քահանա Զաղինյանին. «Առաքեցի առ ձեզ այս ղտպեալ թուղթ և պատուիրեմ շնթեոնուլ զայն ի լուր ամենայն ժողովրդոց Հայոց, և լաւապէս տեղեկանս առնիլ զնա գրելոցն ի նմին և այնպէս ապա արիական հոգով ու ջերմեռանդ փութով հոգ յանձին կալնուլ, խրատել և ուսուցանել զամենեսին զցայգ և զցերեկ անդադար, զի կացցեն, մնասցեն յանխարդախ յաւատարմութեամբ իւրեանց հարստացեալ արժանապէս. զի մի գուցէ վերոհասեալ սակաւիկ նե-

1 ЦГИА, ф. 880, оп. 5, е. х. 18, №№. 11—12:

2 Նույն տեղում, Թ. 22—23:

3 Նույն տեղում, Թ. 2—7:

դուրսերը տեղի ցուցնել շարահար խորհրդոց և թևադրութեանց այլ ազգեաց, այլ որպէս մինչ յայժմ, նոյնպէս և առ փոքր մի ևս ղօրացին պահպանել զհաւատարմութիւն իւրեանց...»⁴:

Ուշագրաւ է ներսեսի նամակը Շամշադինի հայ հասարակությանը: Այդ նամակով Աշտարակեցին պատվիրում է՝ չզայթակղվել պարսիկների խորամանկ խաղերով, ևրկյուղ չկրել, որ ռուսաց զորքը ետ է քաշվում որոշ սահմաններից, — դա ժամանակավոր է, — և հավատարիմ մնալ ռուսներին. «Ձօրաց ռուսաց թողուն զհեռաւոր սահմանսն իւրեանց. մի պաշարեսցէ զմիտս ձեր այլով տարակուսութեամբ, այլ հավաստի լինիջիք, զի ոչ ետ բազում միջոցի յառաջանանք դարձեալ անդր, քան զսահման իւրեանց յոյժ հեռավորութեամբ»⁵:

Ռուս-պարսկական պատերազմի ողջ ընթացքում իր քաջութեամբ և խիզախութեամբ աչքի ընկաւ Գրիգոր Մանուչարյանը: Հատկապէս պատերազմի սկզբին նա իր հինգհարյուրանոց աշխարհազորային հեծյալ ջոկատով ակնառու դեր խաղաց Լոռի-Փամբակի և Շամշադին-Ղաղախի պաշտպանական մարտերում: Նրա գործողությունների կարևոր ոլորտներից էր Թիֆլիս—Երևան ռազմատրատեղիական նշանակություն ունեցող ճանապարհների պաշտպանությունը: Հենց այս կապակցութեամբ ներսես Աշտարակեցին, շնորհակալութուն հայտնելով Մանուչարյանին նրա հայրենասիրական քայլերի և ռուսաց նկատմամբ անկեղծ հավատարմության համար, խորհուրդ է տալիս ավելի ուշադիր լինել ճանապարհների պաշտպանության գործում: «Գերայարգ Գրիգոր արքեպիսկոպոս, պատուական ևղբայր իմ ի Քրիստոս. գրութինք քո ժամանակ ևն առ իս, և ծանուցեալ ևմ վասն որպիսութեանց ևղևոց ի նոսին, առ որ և շնորհակալութիւն բազում ունիմ վասն արիաջան կառաւարութեանց ձերոց յօգուտ ազգի և ի ջերմեռանդութիւն հարազատ հպատակութեանց, որում պարտաւոր եմք յատկապէս ամենայն ազգի Հայոց, որք ի դարուց ժամանակաց գտնիմք յուսացեալ յԱթոռ ողորմութեան մեծ Կայսրութեան ամենայն Ռուսաց, և վայելեմք զշնորհ բարերար հովանաւորութեանց նորին և ակն ունիմք վայելել հետզհետէ առաւելութեամբ»⁶:

Գրիգոր Մանուչարյանի արտակարգ խիզախութիւնն էր, որ պարսիկների ներխուժման հենց սկզբին «կանգնեցրեց իր թեմի շրջանում գտնվող մահմեդականներին [արտագաղթից]»⁷: Խառը գրութեան ժամանակ ժողովրդին արտագաղթից ետ պահելու Մանուչարյանի ջանքերի համար Երմոլովը նամակով շնորհակալութուն է հայտնում վերջինիս⁸:

Շամշադինի հայ հասարակության նման Լոռվա հայ բնակչութիւնն էլ էր իր պատրաստակամութիւնը հայտնում՝ ամեն մի զոհողութեան գնով նպաստել ռուսաց զինքի հաղթանակին: Ներսեսին ուրախութիւն է պատճառում Լոռվա հասարակութեան այն տրամադրութիւնը, թե «...յօժարութեամբ հոգւոյ և մարմնոյ մատնեմք զորդիս և զընտանիս մեր ի մահ ի փառս կենսատու սուրբ խաչին և ի սէր ամենողորմած տէրութեան ռուսաց»⁹:

⁴ Մաշտոցի անվ. Մատենադարան, Աշտարակեցու արխիվ, թղթ. 166, վավ. 602:

⁵ Նույն տեղում, վավ. 603:

⁶ Նույն տեղում, վավ. 648:

⁷ ПГБИА, ф. ВУА, д. 894, л. 39:

⁸ Մաշտոցի անվ. Մատենադարան, Կաթողիկոսական դիվան, թղթ. 54, վավ. 269:

⁹ ПГБИА, ф. 880, оп. 5, ел. x. 18, л. 59:

Ռուսական զորքի նկատմամբ վերոհիշյալ շրջանների հայ բնակչության ջերմ վերաբերմունքի և զինված համագործակցության այդօրինակ ցուցաբերումը հատկանշական էր նաև մյուս շրջանների հայերին: Այդ առումով հիշարժան է Շուշու հերոսական պաշտպանությունը, որ իրավամբ համարվում է հայ ազատագրական պայքարի նշանավոր դրվագներից մեկը: Այն միաժամանակ հայ և ռուս ժողովուրդների անկեղծ բարեկամության քննություն դարձավ: Այդ պաշտպանության ահավոր օրերին, եթե ռուս ռազմիկը ցույց էր տալիս իր խիզախությունն ու արիությունը, ապա հայ մարդը, իր հերթին, հրեան հանեց վտանգի ժամին իր բարեկամին, ընկերոջը սատար կանգնելու պատրաստակամությունը:

1826 թ. հուլիսի 30-ին կայսրին գրած ղեկուցագրում, ներկայացնելով ընդհանուր իրադրությունը, Երմոլովը մասնավորապես գրում էր Շուշու մասին, նշելով նրա ծանր վիճակը¹⁰:

Բերդի կայսրորդ բաղկացած էր 1300 զինվորից, ուներ տարբեր տրամաչափի 7 հրանոթ¹¹: Ըստ Պոտտոյի, կայսրորդ զինվորների թիվը եղել է մոտ 1700¹²: Բերդի պաշտպաններին էին միացել 1500 զինված հայեր՝ հավաքված Ղարաբաղի 22 գյուղերից¹³: Կայսրորդի ունեցած պարենի պակասության կապակցությամբ Պոտտոն գրում է. «...նգերները Շուշի մտան ութ օրվա պաշարով, իսկ բերդում չկար պաշար, ինչպես և ջուր: Կայսրորդին վիճակված էր վտանգավոր պայքար մղել այնպիսի թշնամիների դեմ, ինչպիսիք սովն ու ծարավն էին»¹⁴: Ահա այստեղ էլ օգնության ևն դալիս տեղի հայերը: Արխիվային մի վավերագրում կարգում ենք. «...Կոմենդանթն կոչեաց ղտաճկաց մեծամեծ բեկերն և ղմիքանի հայ բեկերեցն և ղցորեան խնդրեաց ի նոցանէ, տաճկաց բեկերն, որք ունէին բաղում ցորեանս, ամենքն յետս կացին և ասեն՝ մեք ցորեան շունիմք տալոց, և ցրուցան իւրաքանչիւր տունս, և կոչեաց կոմենդանթն որոշ ի նոցանէ ի հայսն և ցորեան խնդրեաց. նախ Աւշարենց Զաւաթ բեկն ևտ կոմենդանթին ժ չէտվէրթ ցորեան, Զոհրապ Բառումովն ևտ Զ չէտվէրթ ցորեան, Մահտեսի Պասայ չէտվէրթ ևտ ժ՛ն չէտվէրթ ցորեան, մահտեսի Միսայէլն ևտ ժ չէտվէրթ ցորեան— ի բերդինս նստեալ բոլորս հայովքն ճ՛Մ չէտվէրթ ցորեան շինեցին հայքս ամեն և ևտուն յՕսէյի Անտոնիչին: ...և մեք մտեալ ի բերդն՝ ղոներն շինեցինք. Աստուած շնն և հաստատ պահեսցէ հայ ազգն. իւրաքանչիւր ըստ իւրեանց կարեացն ժ մանեթով չէտվէրթն ցորեան առին և ևտուն ռուսաց ղօրացն. ոմն հինգ չէտվէրթ, ոմն ժ չէթվէրթ, փողովն տաւար առին և ևտուն ռուսաց ղօրքին: Ոմանք իւրեանց մսացու տավարներն տվին, փայտ տվին, հաց տվին... հայ ազգն Բ ամիս ղիշերներն քեշիկ են արեալ բերդին վերայ և ցրեկները փահլի նման իւրեանց ուլախովն քար և ջուր կրել, բերդի խախուտ տեղերն շինել, շունքի խափանեալ տեղեր շատ կայր...»¹⁵:

Երմոլովը Ռեուտին հղած կարգադրություններից մեկում գրում էր. «Գլխով եք պատասխանատու բերդի պաշտպանության համար: Պաշտպանվե-

¹⁰ ЦГВА, ф. ВУА, д. 4290, л. 39—42.

¹¹ Նույն աեղում, գ. 4291, թ. 61.

¹² В. Потто, Кавказская война, т. III, СПб., 1886, л. 78.

¹³ ЦГВИА, ф. ВУА, д. 4291, л. 61.

¹⁴ В. Потто, նշվ. աշխ., էջ 78.

¹⁵ Եւաշտոցի անվ. Մատենադարան, Կաթողիկոսական գրիպան, լ'դթ. 54, վավ. 342.

ցեր մինչև վերջին մարդը... Այնպես որ չժագի ստոր միտք բերող հանձնելու մասին»¹⁶։ Մեկ այլ նամակում նա պահանջում էր. «Մեծահոգաբար վերաբերվեք հայերին, չէ՞ որ նրանք լավ են ծառայում»¹⁷։ Շուշիում հայերը, իրոք, անձնուրացության և խիզախության բաղմամբ օրինակներ ցույց տվեցին։ Այս փաստերն արդեն չէին կարող որոշ չափով չզնահատվել ուսական հրամանատարության կողմից։ Ռեուտը, պաշարումը վերջանալուց հետո, Պասկևիչին հղած ղեկուցագրերից մեկում գրում է, որ պարսիկները բազմիցս մոտեցան բերդի պարիսպներին և ետ շարտվեցին «քաջ եզերների ու նվիրված հայերի» կողմից¹⁸։ Իսկ Նրմուլովին նա հաղորդում է հետևյալը. «Ամբողջ պաշտպանող հայերի մասին պարտք եմ համարում բացատրել, որ նրանց մատուցած ծառայությունը արժանի է ուշագրության, քանզի նրանք ամենքը գործում էին գերազանց քաջությամբ, դիմադրում էին ապականողի բազմամիակ գրոհներին ու ետ էին շարտում նրանց համար մեծ կորուստներով, արհամարհում էին պարենի պակասը և ոչ մի անգամ չեն մտածել ամբողջի հանձնման մասին, նույնիսկ երբ վրա հասավ բացարձակ սովը»¹⁹։

Շուշու հերոսական պաշտպանության ժամանակ աչքի են ընկել նաև հայերից առանձին անհատներ։ Դրանցից Հարություն Ալթունովը, վտանգի ենթարկելով իր անձը, դիշերները իջնում է պաշարված բերդի պարսպից, անցնում պաշարման օղակը, լուր տանում ուսական հրամանատարությանը և մի քանի օրից հետո վերադառնում Նրմուլովի նամակով²⁰։ Օրական 20—30 ֆունտ բարձրորակ վաւոդ էր պատրաստում և անվճար տալիս բերդի պաշտպաններին Բարուիշի Պողոսը²¹, իսկ Աղաբեկ Քալանթարովին, գեներալ Իվան Լազարևի պապին, Ռեուտն իր մոտ է կանչում և անձամբ հանձնարարում Ելիշավետպոլի դարպասներին հարող բերդապարսպի տեղամասերից մեկի պաշտպանության հրամանատարությունը²²։ Շուշի գյուղի ջրաղացները, որոնք շափաղանց կարևոր նշանակություն ունեին կայազորի համար, պաշտպանվում էին շուշեցի երկու եղբայրների՝ Սաֆար և Ռոստով Թարխանյանների կողմից²³։ «Հերոսներ էին մինչև իսկ նրանց կանայք և նրանցից մեկին՝ Խաթունին, այն ժամանակ գիտեր ողջ Ղարաբաղը»²⁴։

Հիրավի, ակնառու է եղել հայկական փոքրիկ այս գյուղի քաջագործությունը. «Գյուղս այս անկոնի յարևելս կոյս համանուն Շուշի քաղաքի ի ձորամէջ տեղւոջ, բնակիչք են հայք տունք հարիւր յիսուն, քաջութեամբ գերազանցեալ, քան զամենայն բնակիչս Ղարաբաղայ։ Ի 1826 ամի ղօրաւոր հանդիսացան ընդ գէմ բազմաթիւ պարսից և շարաշար հարին զթանձրութիւնս

16 В. Потто. *Узл. азбу.*, էջ 86.

17 նույն տեղում։

18 ЦГВИА, ф. ВУА, д. 4290, р. 150.

19 В. Потто, Первые добровольцы Карабага, Тифлис, 1902. էջ 62.

20 նույն տեղում։

21 «Ген.-лейтенант Иван Давидович Лазарев», Тифлис, 1900. էջ 27—28.

22 նույն տեղում։

23 В. Потто, Первые добровольцы Карабага, էջ 81.

24 նույն տեղում, էջ 64.

բանակի նոցին... ցուցին և զանկասկած հաւատարմութիւն առ տէրութիւնն ռուսաց համաձայն ազգային ընդաբոյս բնութեանց...»²⁵:

Շուշու պաշարման վերացումից հետո, անդրադառնալով այնտեղ ժամալված հերոսական դործողութիւններին ու դեպի ռուսները տեղի հայութեան ունեցած անսասան հավատարմութեանը, ներսես Աշտարակեցին այսպէս է գրում Հովհաննէս արքեպիսկոպոսին. «Հոչակատու է հաւատարմութիւն հայոց բնակելոց ի Շուշի քաղաք և մերձակայս նորին, որք ըստ շափու երից հօրաց զինուորակալ ընդ զինուորութիւնս ռուսաց զգէմ կալան յօղնաթիւ զօրուն պարսից և բնածիր ազգական խորամանկութեանց և զանաղան շողոքորթութեանց և խոստմանց, որով և ապրեցուցին ոչ միայն զանձինս և զքաղաք իւրեանց զՇուշի բերդ, այլև զբաղումս իսկ զնահանգս Վրաստանու սահմանաց և զբնակիչս...»²⁶:

Ռուսական զորաշղկատները նախապէս մղում էին ակտիվ պաշտպանողական մարտեր: Ամենուրեք նրանց կողմն էր հայ ազգաբնակչութեան բոլոր խավերի համակրանքը: Շատ էին տուժում հայկական բնակավայրերը «համառութեան և այն համագործակցութեան համար, որ ցուցադրում էին նրանց բնակիչները Ռուսաստանի օգտին»²⁷:

Գեներալ Երմոլովը դիմում է վրացիներին և հայերին՝ քսան օրվա ընթացքում Թիֆլիս գալ մարտական առաջադրանք ստանալու համար²⁸: Արխիվային մի վավերագրի համաձայն, օգոստոսի 17-ին արդեն, արձագանքելով Երմոլովի կոչին, հավաքվում են 4000 հեծյալներ հայերից և վրացիներից²⁹: Որքան էլ այս հնօրյա վավերագիրը արժանահավատ չլի վա հեծյալների քանակի իմաստով, այդուհանդերձ անհերքելի է մի փաստ՝ ռուսական բանակի նկատմամբ հայ և վրաց եղբայրական ժողովուրդների ունեցած համակրանքը, նրան նյութական և զինական օգնություն ցույց տալը:

1826 թ. աշնան, Շամխորի և Եջանջայի՝ պատերազմի ելքը կանխորոշող հաղթանակներից հետո, դեռևս հարձակողական նոր մարտեր չէին ձեռնարկվում, սակայն մտադրություն կար նախիջևանի վրա հարձակվելու: Այդ նպատակի համար, ինչպէս հիշատակվում է արխիվային մի վավերագրում³⁰, նփրևմի կոչով և ներսեսի ներգործութեամբ, հայերից նորից կազմվում է հեծյալների մի ջոկատ, որը կովելու էր Մաղաթովի հրամանատարութեան տակ՝ նախիջևանի վրա հարձակվելու: Իսկ նախիջևանի հայ բնակչութունը «պատրաստ էր միահամուռ կերպով համագործակցելու ռուսական զենքի հաջողութեանը»³¹:

1826 թ. նոյեմբերի կեսերին Վրաստանում բնակվող մի շարք ազգեցիկ հայեր աշխարհազորային նոր ջոկատներ ստեղծելու խնդրանքով դիմում են ռուսական հրամանատարութեանը, սակայն գեներալ Երմոլովը մերժում է նրանց խնդրանքը՝ պատճառաբանելով ռուսական զորքի բավարար քանա-

25 Ս ար գ ի ս Ղ ա զ ա ղ յ ա ն, Ճանապարհորդութիւն ի Մեծն Հայաստան, մասն Բ, Տփղիս, 1858, էջ 244:

26 Մաշտոցի անվ. Մատենադարան, Լազարյանների արխիվ, թղթ. 103, դործ 9, վավ. 83:

27 ЦГИА, ф. 880, оп. 5, ед. х. 18, л. 14:

28 Նույն տեղում, թ. 15:

29 Նույն տեղում, թթ. 16—17:

30 ЦГВИА, ф. ВУА, л. 4312, թթ. 27—28:

31 Նույն տեղում:

կով³², Դրան ի պատասխան, պարսիկները Արարատյան դաշտի բազմաթիվ գյուղերի հայ բնակչությանը քշեցին Արաքսից այն կողմ, որպեսզի «կտրեն նրանց ամեն մի հարաբերությունն ռուսների հետ»³³,

Երևանի սարդարը և նրա եղբայր Հասան խանը հայ բնակչության նկատմամբ իրենց դաժան վերաբերմունքն արդարացնում էին ասելով, թե՛ «Հայոց կաթողիկոսը, արքեպիսկոպոստները, բացի այդ, հայ իշխաններն ու ազնվականները և բնակչության մյուս խավերը համագործակցում են Ռուսաստանի օգտին, կազմում աշխարհազորային ջոկատներ և մեծապես վնասում Պարսկաստանին»³⁴,

1826--1827 թթ. ձմռանը մարտական գործողությունների ժամանակավոր դադարը ոչ այլ ինչ էր, եթե ոչ Երևանի վրա արշավելու նախապատրաստության շրջան: Այս ընթացքում էլ, ինչպես երևում է Մանվել վարդապետին Եփրեմ կաթողիկոսի հղած օրհնության գրից³⁵, հայ գործիչների մոտ անսասան էր Արարատյան աշխարհի մոտալուտ ազատագրման հույսը: Այս հույսը համընդհանուր էր, և դրա իրականացման ձգտումն էր, որ գեներալ Մաղաթովի ղորաջոկատին էր միացրել հայկական և ադրբեջանական աշխարհազորայիններից նաև այն 700 հոգուն, որոնք ղինված էին միայն մահակներով³⁶,

Պարսկական խաների լծից ազատագրվելու հավատը վառ պահելու, ռուսական ղեռքի հաջողությանը նպաստող նպատակամղիչ գործողություններ ծավալելու վերաբերյալ հայ ազգաբնակչությանն Աշտարակեցու հղած կոչերն ու հորդորները մեծ ազդեցություն էին թողնում: Այդ վաստը անհայտ չէր Կովկասի ռուսական հրամանատարությանը, հայտնի էր նաև Նիկոլայ I-ին, որը 1827 թ. փետրվարի 2-ին ստորագրեց իր գոհունակությունը պարունակող հրովաբտակը՝ ուղղված Ներսես Աշտարակեցուն՝ պարսիկների հանկարծակի հարձակման ժամանակ ռուսների նկատմամբ ցուցաբերած հարազատության ու հավատարմության առթիվ. «Պարսիկների կողմից խաղաղության խախտումն ու մեր սահմանների վրա հարձակվելը վրաստանում բնակվող հայերի համար առիթ ծառայեց իսկությունամբ ցուցադրելու իրենց ջերմեռանգությունը և անկեղծ անձնազոհությունը դեպի մեզ: Այս դիպվածով նրանք ցույց տվեցին, թե գիտեն իրենց նկատմամբ կառավարության ունեցած հոգացողության դիրք»³⁷:

Չնայած հարձակողական գործողությունների դադարին, Ներսեսը լիահույս էր, որ դրանք շուտով կվերսկսվեն և կլինեն այնքան շեշտակի, որ ոչ ուշ, քան հունիսի վերջերին ռուսական դրոշը կբարձրանա Թավրիզի պարիսպների վրա: Իր այս ցանկությունը և մտորումները նա հաստատակամությամբ հայտնում է Երևանում բնակվող Բարսեղ-աղա Գաբրիելյանին. «Նս դայս պրեմ համառոտիւ, որ դու ինքդ ինձ հաւատասցես այնպէս, որպէս կարես ինքդ յուսալ... նոյնպէս ևս գրեմ հաւատարմացուցանել ամենայն հաւատարմաց քոց հայոց և տաճկաց, որ հասեալ է ժամանակ և իզուր են յայսմ հետէ այն

32 Նույն տեղում, թ. 20:

33 Նույն տեղում, թ. 21:

34 Նույն տեղում, թթ. 18—19:

35 Մաշտոցի անվ. Մատենադարան, Կաթողիկոսական դիվան, թղթ. 55, վավ. 30:

36 ЦГБИА, ф. ВУА, д. 4312, թթ. 27—28:

37 ЦГИА, ф. 880, оп. 5, ед. х. 381, թ. 22а:

ամենայն կարծիք, թէ Տիցիանովն եկն և վերադարձաւ, գրաֆ Կուտովիչն եկն և վերադարձաւ, այլևս ասեմ ձեզ, որ ոչ անագան այժմ գայ առ ձեզ բարձր փառաւորագոյն և անցանէ ի Դարէժ, և անտի յառաջ, գուցէ և Բեհհրան: Չճշմարտութիւն բանից իմոց համարիմ ինձ փառք յաւիտենական. վասն և ոչ իննայիմ գրել ձեզ այժմ. զի հզօր ձեռն մեծ Կայսերութեան ամենայն ուսաց բարձրացեալ է և սուր նորա և հուր տարածեսցի ի զլուսս ամենայն հակառակորդաց տէրութեան իւրոյ. և աչք ձեր ոչ անդր, քան զլրումն հունիսի տեսցեն զգրօշակ նորին Կայսերական Մեծութեան ի վերայ պարսպաց Դարիժոյ...»³⁸:

Հասնում է ցանկալի պահը. 1827 թ. ապրիլի 2-ին Կովկասյան հատուկ կորպուսի առաջապահ մի ղորաբաժին, գեներալ Բենկենդորֆի զխաւորութեամբ, ներսես Աշտարակեցու ուղեկցութեամբ, դուրս է գալիս Բորչալուից և նույն ամսի 13-ին առանց կովի հասնում է էջմիածին ու գրավում այն: Էջմիածնում Բենկենդորֆի ղորաջոկատն ընդունվում է ցնծութեամբ, վանքի կողմից ուսաց ղորքին տրվում է «գինի՝ ավելի քան ղհազար թունդի, և ալիւր և ցորեան իբրև 1200 կամ ավելի փութ»³⁹: Այդ մթերքը պարսիկներից թաքցրել էր էջմիածնի մառանապետ Դանիել վարդապետը⁴⁰:

Ներսեսը էջմիածնից հորդորական և հուսադրական նոր նամակներ է հղում Երևան և Նախիջևան քաղաքների և շրջակայքի հայ ազգաբնակչութեանը. «Իտեմ, զի ըստ որում այս վեցերորդ է յառաջանալն ղորաց ուսաց մինչև ի սահմանս Երևանու և Նախիջևանու՝ տարակուսեցուցանէ ղձեզ մեծապէս իրաւացի կարծիք, որ կարէ յառաջանալ յամենեսին ի ձեզ ի նախանցեալ փորձաց անտի, սակայն կարօղ եք դուք իսկ զանազանել ինքնին ի մէջ այն ամենայն անցելոցն ղորաշարժութեանց ուսաց և այսմ ներկայ ահեղ պատերազմաց... և ղօրք նորա շուրի վերադառնալ ըստ առաջնոցն, այլ կան և կալոց են յաւիտեան ի հովանաւորութեան հայրենեաց Հայաստանի և ի սփոփանս նեղեալ և վշտացեալ ժառանգաւորաց նորին որդոց Արամայ»⁴¹:

Ներսեսը հավատում էր, որ այս արշավի հետևանքով Երևանի և Նախիջևանի խանութները կազատագրվեն պարսկական լծից: Դեռ ավելին, 1827 թ. ապրիլի 20-ի մի նամակով նա նախատար կազարյանից պահանջում էր ուղարկել լեհական կառավարութեան կանոնադրութունը, իր պահանջը պատճառաբանելով այսպէս՝ որպէսզի «...մեք կարողացուք խորհրդածել զվախելիականացն ազգի Հայոց աստի Հայաստան աշխարհի ի ծագս սահմանաց Ռուսաստանի»⁴²:

Գալով էջմիածին, Աշտարակեցին Արարատյան դաշտը տեսնում է ամայացած, բնակչութեան մի մասը քշված «ի գաւառն Պայազիտոյ»⁴³: Արարատյան դաշտի հայերի քանակական նվազեցման մասին ցավով գրում է նաև Ստեփանոս վարդապետ Վաղարշապատցին Մինաս արքեպիսկոպոսին հասցեագրված նամակում. «Չհասարակութիւն բնակչաց էջմիածնի, Օշականայ և Աշտարակայ 11 ամսոյն, աւուրք յառաջ, քան զմուտ մեր այսր, շուեցեալ էին,

38 Մաշտոցի անվ. Մատենադարան, Աշտարակեցու արխիվ, թղթ. 166, վավ. 721:

39 Նույն տեղում, կազարյանների արխիվ, թղթ. 103, գ. 5, վավ. 229:

40 Նույն տեղում, թղթ. 106, գ. 51, վավ. 5:

41 Նույն տեղում, Աշտարակեցու արխիվ, թղթ. 166, վավ. 785:

42 Նույն տեղում, կազարյանների արխիվ, թղթ. 106, գ. 51, վավ. 13:

43 Նույն տեղում, Աշտարակեցու արխիվ, թղթ. 166, վավ. 772:

և անցուցեալ ընդ Երասխ դետ, դտանին նոքա այժմ ի ստորոտ լերինն Մասսեաց բաղում տառապակրութեամբ:

Լայնածաւալ և բաղամարդ այն դաշտն Արարատեան, որ երբեմն ծիծաղական և դուարճալի դինքն ցուցանէր իւրով առատ բարութեամբ և անթիւ բնակչօք, այսօր տեսանի արդարև աշխարհիկ և անհնարին սգով լի վասն պակասիւոցն ինքեան իւրոց բնակչաց»⁴⁴:

Ներսէս Աշտարակեցուն մտահոգում էր մինչև Բայազետի սահմանները բշխած հայ բնակչության դրութիւնը: Նա վճռում է գեներալ Բենկենդորֆի անունից դիմել թուրքական սահմանապահ փաշային՝ առաջարկելով հեռացնելու այդ ժողովրդի նեղիչ պարսիկ պաշտոնյաներին⁴⁵, մինչև որ հայերը կկարողանան վերադառնալ իրենց բնակավայրերը: Իսկ Արծափ գյուղի Հովհաննէս քահանային, մյուս հոգևորականներին ու ողջ բնակչությանը շնորհակալութիւն է հայտնում այն բանի համար, որ նրանք քաջաբար արտաքսել են Երևանից և էջմիածնից այդ կողմերը տարված հայ ազգաբնակչության նկատմամբ շարագործութիւններ կատարող պարսիկ պաշտոնյաներին և վստահեցնում նրանց՝ երկյուղ չկրել պարսիկներից, բանի որ այս անգամ արդեն ռուսաց զորքը անպայման գրավելու է Երևանն ու Նախիջևանը: «Ապաքեն ես նախայայտնելով այսու ձերում հասարակութեան դմեծ շնորհակալութիւն իմ, յայտնեմ և դսոյն ճշմարտութեամբ, զի դուք այսուհետև շունեցիք ամենայն զկասկած երեսաց պարսից, զի երկիրն Երևանու և Նախիջևանու է այսուհետև յատկացեալ կայսրութեան ամենայն ռուսաց. և դօրք նորին շունին վերադառնալ միւս անգամ. և աչք պարսից շունին տեսանել միւս անգամ իշխանութիւն իւրեանց յԵրևան և ինքն Սարտարն, որ ըստ խնամոց Աստուծոյ գտնի պաշարեալ ի բերդն Երևանու՝ ոչ ետ բազում աւուրց եղիցի... գերի կալանաւոր դօրաց ռուսաց»⁴⁶:

Բենկենդորֆի գլխավորած զորամասը դուրս գալով էջմիածնից, շորսօրյա կռիւներից հետո հասել էր Երևան և ապրիլի 27-ին սկսել Երևանի պաշարումը:

Նախքան այս զորամասի էջմիածնից դուրս գալը, Դիբիշը, իմանալով Բենկենդորֆի դիտավորութեան մասին, դեռևս ապրիլի 18-ին ցարին հղած գեկուցագրում հայտնում է, թե Բենկենդորֆի առաջապահ ջոկատը զգում է պարենի խիստ պակաս, իսկ գեներալը որոշել է հարձակվել Սարգարապատի և Երևանի վրա: Ապա ավելացնում է. «Խոստովանում եմ Ձերդ Բարձրութեանը, որ ես չզիտեմ, թե ինչպես բաղատրել գեներալ-ազյուտանտ Բենկենդորֆի այս դիտավորութիւնը նման պարագաներում»⁴⁷:

Պետք է ենթադրել, որ պարենի հայթայթման հարցում Բենկենդորֆը նկատի է ունեցել Ներսէսից սպասվելիք օգնութիւնը: Պակաս դեր չի խաղացել նաև նույն խնդրի կապակցութեամբ Արարատյան դաշտի հայ բնակչության նկատմամբ ունեցած հավատը: Այդ առթիւ ապրիլի 16-ի մի այլ գեկույցում ասվում է. «Փոխգնդապետ Կոլժենսկուն գրվել է՝ ձեռնարկել մթերքի

44 Նույն տեղում, Հազարյանների արխիւ, թղթ. 106, դ. 51, վավ. 33:

45 Նույն տեղում, Աշտարակեցու արխիւ, թղթ. 166, վավ. 760:

46 Նույն տեղում, վավ. 162:

47 ЦГВИА, ф. ВУА, д. 4326, թթ. 183—184:

կուտակման գործը, քանի որ բնակիչները, աշխուժացած Երևանի մարզում մեր գտնվելուց, վերադարձել են իրենց տները»⁴⁸։

Ռազմական գործողությունների վերսկսումը և ռուսական զորքի կողմից Երևանի բերդի պաշարումը ուրախությամբ էր համակել ողջ հայությունը։ «Զցանկալի նամակ հայրութեան ձերոյ, գրեալ ի 30 մայիսի տարվոյս, ընկալուք բազում ուրախութեամբ, նշմարեալ ի նմին պամենաբաղձալի լուր առողջութեան անձին սրբազնութեան ձերում, ևս քան զևս ցնծացուք և յուսալիր գործառութեն Քրիստոսազօր բանակին»⁴⁹, — այսպես է գրում ներսեսին Շահան Զրպետը։ Այսպիսի տրամադրության արդասիք էր նաև Ռուսաստանի հայոց առաջնորդ Հովհաննես արքեպիսկոպոսին Մինաս արքեպիսկոպոսի հասցեագրած նամակը։ Հայտնելով Երևանի պաշարման մասին, Մինաս արքեպիսկոպոսը նշում էր նաև, որ գեներալ Պասկևիչը Մոսկվայից ստացած նոր թնդանոթներով պատրաստվում է մեկնել Երևան⁵⁰։

Իրոք, Կովկասյան կորպուսի գլխավոր ուժերը, Պասկևիչի գլխավորությամբ, հունիսի 8-ին արդեն էջմիածնում էին։ Կորպուսի ռազմական գործողությունների օրագրի հունիսի 10-ի ամսաթվի տակ կարդում ենք. «Այստեղ գտնվող հայ արքեպիսկոպոս ներսեսը բոլոր հնարավոր միջոցներն օգտագործում է, որպեսզի ուժեղացնի մեր ազդեցությունը սույն երկրամասում։ Ես այդ հոգևոր պեսին հանդիպեցի Ռուսաստանի օգտին հայկական բոլոր համայնքներին համախմբելու ուղղությամբ աշխատելիս»⁵¹։

Հասնելով Երևանը պաշարող զորաջոկատին, կորպուսի գլխավոր ուժերը միանում են նրան, շարունակում են պաշարողական աշխատանքները՝ բերդը գրոհելու նպատակով։ Սակայն Պասկևիչը, որոշ նկատառումներով, ներքնապես համաձայնվելով բերդի գրոհը աշնանը ձեռնարկելու մասին ղեկաբերիստ Մ. Պուշչինի առաջարկին, որոշում է գլխավոր ուժերով շարժվել դեպի Սախիջևան, իսկ բերդի պաշարումը թողնել գեներալ Կրասովսկու ղեկավարությամբ գործող զորաջոկատին։ Կրասովսկուն դեռևս հունիսի 13-ին (կորպուսի գլխավոր ուժերը դեպի Սախիջևան են շարժվում հունիսի 19-ին) Պասկևիչը հանձնարարականներ է տալիս⁵²։ Առաջարկվում է պաշարումը շարունակել մինչև շոգերի սաստկանալը, թշնամուն թույլ շտալ հազորակցվել բերդի հետ։ Հանձնարարականի 4-րդ կետը վերաբերում է ներսես Աշտարակեցուն։ Այստեղ ասվում է. «Քանի որ ռազմական գործը ամբողջովին կարող է ձեզ դրադեցնել, ևս օգտակար եմ համարում էջմիածնի շրջապատը վերադարձած և նրա մոտակայքում գտնվող վայրերի բնակչության ղեկավարությունը հանձնարարել ներսես արքեպիսկոպոսին՝ ձեր լիակատար ազդեցության տակ։ Նկատի ունենալով նրա փորձառությունը, խելամտությունը և կառավարությունը նվիրված լինելը, նրա վրա պարտականություն դնել հատուկ ուշադրություն դարձնել առավել շատ հացահատիկի հավաքմանը։ Այդ բանում հնարավորության սահմաններում համադորձակցել նրան»⁵³։ Հանձնարարա-

48 ЦГИА, ф. 880, оп. 5, ед. х. 193, л. 105.

49 Մաշտոցի անվ. Մատենագարան, Այ. Երեցյանի արխիվ, թղթ. 153, վավ. 180.

50 Նույն տեղում, Լազարյանների արխիվ, թղթ. 106, դ. 51, վավ. 37.

51 ЦГИА, ф. 1018, оп. 3, ед. х. 193, л. 146.

52 Նույն տեղում, թ. 149—151.

53 Նույն տեղում, թ. 150.

կանի 8-րդ կետով առաջարկվում է շոգերը սաստկանալիս թողնել Երևանի սլաշարումը, բայց պահել էջմիածինը⁵⁴,

Երևանի սլաշարման վերադարձը սկսվում է հունիսի 23-ին⁵⁵,

Երևանի սլաշարման վերացման, ռուսական զորաջոկատի՝ Արայի լեռան ստորոտներն ուղևորվելու, էջմիածնում թողնված ռուսական ջոկատի և հայկական կամավորական գումարտակի մասին Խաչատուր Լաղարյանին տեղեկացնելիս, Ներսեսը հույս է հայտնում, որ օգոստոսի կեսերին Երևանի բերդը նորից կսլաշարվի և դա կունենա ցանկալի վախճան. «...և մեք մերայնովին հանդերձ ունիմք սպասել մինչ ցկեսն օգոստոսի, յետ որոյ գործակցութեամբ տեառն վերադարձեալ նոցին, սլաշարեսցէն անդրեն տիրագոյն սլաշարմամբ, յորժամ թերևս ողորմութեամբ տեառն արժանացուր մեք և հայրենիք մեր վախճանական նպատակին ցանկացելոյ»⁵⁶, Այս վավերագրում էլ է նշվում էջմիածնի սլաշարման ժամանակ համար թողնված հայկական գումարտակի մասին:

Հայկական կամավորական գումարտակներ ստեղծելու նախաձեռնութիւնը պատկանում էր Ներսես Աշտարակեցուն: Այս գործում նրա մերձավորագույն օգնականն էր Թիֆլիսի նորաբաց Ներսիսյան դպրոցի տեսուչ, հայրենասեր բանաստեղծ Հարություն Ալամդարյանը: Ռուսական հրամանատարութիւնը ընդառաջում է այդ նախաձեռնութիւնը: Հաստատվում է 34 կետից բաղկացած հատուկ «Առաջադրութիւն»⁵⁷: Եվ քանի որ, ինչպես ասվել է վերը, Ներսեսը ռուսական առաջապահ զորաջոկատի հետ ապրիլի 2-ին ուղևորվել էր էջմիածին, կամավորական գումարտակներ կազմակերպելու գործով հիմնականում ղեկավարել է Ալամդարյանը, ունենալով Թիֆլիսի դինավորական գեներալ-նահանգապետ Սիսյազանի աջակցութիւնը: Մայիսի 15-ին հայկական առաջին կամավորական գումարտակին հանձնվում է հատուկ պատրաստված դինագրոշ⁵⁸, Դրոշի հանձնման արարողութիւն ժամանակ հայրենասիրական ճառ է արտասանում Հարություն Ալամդարյանը⁵⁹: Հայկական կամավորական գումարտակը, գործող բանակին միանալու նպատակով, Թիֆլիսից դուրս է գալիս մայիսի 15-ին⁶⁰:

Շատ շուտով նախաձեռնվում է հայկական կամավորական երկրորդ գումարտակի կազմակերպման գործը: Մայիսի 24-ին նորաստեղծ գումարտակի մարտիկներին կոչով դիմում է գեներալ Սիսյազանը. «Անցյալ տարի պարսկական զորքերը մեր սահմանները խուժելու պահից հայերն աչքի ընկան թշնամու դեմ անվեհերութեամբ, կրած զրկանքների մեջ անհողողող հաստատակամութեամբ, քրիստոնեական հավատին անսահման նվիրվածութեամբ, ռուսական գահին օրինապահ հավատարմութեամբ: Ինքնակալ միաստեղ ողորմած ուշադրութիւն արժանացրեց իրեն ջերմորեն հավատարիմ հայերին: Եվ շնայած ռուսական զորքը բավական է թշնամուն պարտութիւն մատնելու համար, առանց կողմնակի ուժերի մասնակցութիւն, բայց և այնպէս, նորին

54 նույն տեղում:

55 ЦГВИА, ф. ВУА, д. 4324, р. 12:

56 Մաշտոցի անվ. Մատենադարան, Լաղարյանների արխիվ, թղթ. 106, գ. 51, վավ. 69:

57 ЦГВИА, ф. ВУА, д. 4336, рр. 2—5:

58 Մաշտոցի անվ. Մատենադարան, Կաթողիկոսական դիվան, թղթ. 55, վավ. 194:

59 «Դիվան հայոց պատմութեան», դիրք ԺԴ, Թիֆլիս, 1915, էջ 9—14:

60 ЦГВИА, ф. ВУА, д. 4336, р. 6:

գերազանցությանը հաճելի էր ունենալ սույն պատերազմում իր քաջարի զորքերի շարքում այստեղի հայերից կազմված աշխարհազորայիններին: ...Հայերը ոգևորությամբ արձագանքեցին իրենց ուղղված կոչին, և հայտարարության երրորդ օրը ես տեսա զենքի տակ համախմբված հայկական դրուժինան...»⁶¹:

Հայկական կամավորական գումարտակների կազմակերպման հաջող ընթացքը ուրախություն էր պատճառել ժամանակի հայ գործիչներին: Այդ փաստը պարզորոշ երևում է Մելիքսեղեկ Ղամազյանի 1827 թ. հունիսի 6-ի նամակից (ուղղված Խաչատուր Լազարյանին), ուր կարդում ենք. «...զօրք հայոց օրաուր յաւելանան, մինչ ցարդ երկու զունդ հետեակի զնացեալ են յԾրկվան, ունելով զնշան դրօշակաց Լրքայիցն Հայոց: Այժմ ժողովեալ լինեն ձիաւոր զօրք և վասն սոցին ևս պատրաստեն զայլ դրօշակս»⁶²:

Գծվար չէ ենթադրել, որ վավերագրում խոսքը հայկական կամավորական երրորդ գումարտակի մասին է, որի կազմակերպմամբ Աշտարակեցուն ուղարկված նամակներից մեկում Ալամղարյանը գրում է, թե զինվորական նահանգսուպետը թախանձում է կամավորական նոր զորահավաք կատարել, հասկապես Բորչալուի հայերից, իսկ ինքը չի համաձայնվում առանց Աշտարակեցու հրամանի⁶³:

Իրոք, Մատենադարանի արխիվային Բաժնի Կաթողիկոսական զիվանում պահվում է Սիպյագինի այն գրությունը⁶⁴, որ ակնարկում է Ալամղարյանը ներսեսին հասցեագրված նամակում:

Աշտարակեցին ուշադրությամբ հետևում էր Նախիջևանի ուղղությամբ գործող ռուսական կոչուպուսի գործողություններին, որոնց շնորհիվ ռուսական բանակը կարևոր հաղթանակներ տարավ: Գառնի-չայի և Վեդի-չայի ճակատամարտերից հետո, հուլիսի 26-ին զրավվեց նախիջևանը, իսկ Զեան-Բուլաղի հաղթական մարտերից երկու օր անց, հուլիսի 7-ին անձնատուր է լինում Աբբասարաղի բերդը: Այս հաղթանակի ուրախ լուրի արդեցություն տակ է գրվել ներսեսի նամակը ուղղված Սիմեոն արքեպիսկոպոս Բլնունուն, ուր կարդում ենք. «Զօրք նորին Բարձր Գերազանցութեան յաղթանակեց ի վերայ զօրաց պարսից ի դաշտին Ապպասապատու՝ նախ զզինուորութեան Հասան խանի և այլա՝ զզինուորութեան շահպատայի՝ բեկեալ սաստկապես»⁶⁵:

Նախիջևանի և Աբբասարաղի անկումից հետո Աբբաս-Միրզան, նպատակ ունենալով վերադասավորել իր ուժերը, զիմում է խորամանկության՝ հաշտության բանակցություններ վարելու պատրվակով զինադադար է խնդրում: Բանակցություններն սկսվում են 1827 թ. հուլիսի 21-ին, Կարապիտաղինում: Բանակցություններում ռուսական կողմը ներկայացնում էր Ա. Ս. Գրիբոյև-զովը: Սակայն օգոստոսի 4-ին, խախտելով իր իսկ խնդրած զինադադարը, Աբբաս-Միրզան մեծաքանակ մի բանակով անցնում է Արաքսը և սկսում հարձակողական գործողություններ⁶⁶: Պարսկական զորքը օգոստոսի 6-ին

61 Մաշտոցի անվ. Մատենադարան, Լազարյանների արխիվ, թղթ. 106, ո. 51, վավ. 45:

62 Նույն տեղում, վավ. 47:

63 Նույն տեղում, Կաթողիկոսական զիվան, թղթ. 55, վավ. 197:

64 Նույն տեղում:

65 Նույն տեղում, Աշտարակեցու արխիվ, թղթ. 166, վավ. 796:

66 ИГВИА, ф. ВУА, л. 4294, р. 13:

գրավում է Աշտարակը, իսկ 15-ին՝ պաշարում էջմիածինը, ուր հանդիպում է հերոսական դիմադրության:

Տեղեկանալով էջմիածնում տիրող դրությունը, Կրասովսկին շտապում է օգնության հասնել պաշարվածներին: Նրա ջոկատը, որ բաղկացած էր ոչ ավելի, քան 2800 մարտիկներից (այդ թվում նաև հայկական առաջին կամավորական գումարտակը)⁶⁷, շարժվում է էջմիածին: Սակայն Օշական գյուղի մոտ հանդիպում է Աբբաս-Միրզայի 30000-անոց բանակին: Տեղի է ունենում արյունահեղ մի ճակատամարտ, որ պատմության մեջ հայտնի է «Օշականի ճակատամարտ» անունով: Քանակապես տասնապատիկ գերազանց ուժերի դեմ կռվող ռուսական ջոկատը ցուցաբերում է արտասովոր խիզախություն ու տոկունություն: Ճակատամարտը երևան հանեց քաջ զորահրամանատար Կրասովսկու տաղանդն ու անձնական հատկանիշները՝ անվեհերությունն ու վճռականությունը:

Օշականի ճակատամարտն ունեցավ բարոյական մեծ նշանակություն և, շնայած բաղամթիվ դոճերին, «ձախողեց Աբբաս-Միրզայի էջմիածինը գրավելու և Թիֆլիս շարժվելու պլանը»⁶⁸:

Սեպտեմբերի 13-ին Կրասովսկին արդեն Սարգարապատի պարիսպների մոտ էր, իսկ բանակում գտնվող Ներսեսը դեռևս 12-ին դիմում է բերդում գտնվողներին մի կռուվ, ուր ասվում էր. «...դի թէ յօժարեսցին նորա յառաջ դիօփածղութիւնն զօրաց ռուսաց՝ և յառաջ, քան զկործանումն պարսպաց բերդիցն, ելանել յայտնի կամ անյայտ կերպիւ, և թողուլ զհակառակութիւնն և զպատերազմն անօգտակար անձանց իւրեանց և սերնդոց և ժառանգաւորաց իւրեանց, աչնպիսանցն տուալ լինիցի ազատ կամք՝ զնալ ապահովութեամբ ուր և կամք իւրեանց եղիցին, և որք ի նոցունց մնալոց իցէ ի հպատակութեան կայսեր ռուսաց, ունիցի զյոյս կատարեալ զի վայելել ունի զմեծ ողորմութիւն նորա լիագոյն ապահովութեամբ, իսկ՝ որ ոք կամիցի յամառել յուսով քաջամարտութեան իւրեանց և ոչ յօժարեսցի յառաջ զփորձն պատերազմեացն հոգ ունիլ վասն իւրեանց հեռացուցանելոյ զինքն ի հակառակութեանց և ի թշնամութեանց ընդդէմ ահաւոր զօրաց տիեզերասասան կայսրութեան ամենայն ռուսաց, այնպիսիքն ունին մատնիլ ի սուր աններելի վրէժխնդրութեամբ...»⁶⁹:

Սեպտեմբերի 20-ին Սարգարապատը անձնատուր է լինում: Այս հաղթանակում իրենց դերն ունենին նաև բերդում գտնվող հայերը⁷⁰:

Բերդի գրավումով ռուսների ձեռքն է անցնում մեծ քանակությամբ զինամթերք և պարեն, առանց որի, ինչպես նշված է գործող կորպուսի օրագրության մեջ, «Նրևանի պաշարումը կարող էր լինել ամբողջովին կասկածելի»⁷¹: Ռուսական բանակի այս կարևոր հաղթանակի մասին Ներսեսն ավետում է Հին Բայազետի շրջանի Մելիք Աղաջանին, քեթիուղաներին և այնտեղ գաղ-

67 Մ. Ներսիսյան, Դեկաբրիստները Հայաստանում, Երևան, 1958, էջ 22—23:

68 «Հայ ժողովրդի պատմություն», հատ. 5, Երևան, 1974, էջ 152:

69 Մաշտոցի անվ. Մատենադարան, ավագ. Աշոտ Հովհաննիսյանի արխիվ, թղթ. 244, վավ. 257:

70 Լևոն, Հայոց պատմություն. նորագույն շրջան, մասն 2, Երևան, 1927, էջ 102:

71 ЦГВИА, ф. ВУА, д. 4292, л. 11:

թած հասարակությանը, հորդորում նրանց՝ վերադառնալ իրենց գյուղերը, հավաստիացնում, որ շուտով Երևանն էլ ոռոսներինը կլինի «Այժմ, ուրեմն, շանասցիք վերադառնալ իւրաքանչիւրս զիւղորայս ձեր և հոգ անիլ վարի և ցանի, քանի ձմեռն չի վերաժամանեալ. և հաւատարիմ ձեզ թուեսցին քանք իմ, զի այսուհետև ամենայն Երևանու երկիրն ոռոսաց կայսրութեանն է»⁷²:

Երևանի պաշարումը սկսվում է սեպտեմբերի 24-ին, իսկ 25-ին բերդի վրա են թափվում պաշարող հրետանուց արձակված ուժերը: Սերսես Աշտարակեցին, գտնվելով Երևանը պաշարող զորքի հետ, բերդի շուտափույթ գրավման ակնկալությունն ունենալով, սեպտեմբերի 27-ին մի գրություն է ուղարկում էջմիածին՝ Հովսեփ վարդապետին, որով պահանջում է էջմիածնում գտնվող զենքի ընդունակ բոլոր հայերին, որտեղից էլ նրանք նկատ լինեն, շտապ ուղարկել Երևան՝ հարձակվող բանակին միանալու: «Առաքեցի առ ձեզ Ստեփանոսն մեր և գրեմ քեզ, որ ընդ ժամանելն իսկոյն հաւաքեցեալ զամենայն թուանք ունեցող հայս զղանցեալս այգր ի սուրբ Աթոռն, թէ ի մեր զիւղացւոցն և յայլ և յայլ զիւղացւոց կոռուայ և կամ Թիֆլիզ, այսօր, իսկոյն, լառաջ, քան զմտնելն արևու հասուսցես առ մեզ այսր ի բանակ և թէ լինելի ոք, որ ծուլասցէ, զայնպիսինս պատժեսցէս զու սաստկապէս»⁷³: Նույնպիսի բովանդակություն ունի մեկ օր հետո Աշտարակի և Օշականի հասարակություններին ուղարկած նրա կոչ-նամակը⁷⁴:

Իբրևանանում է ներսեսի ակնկալությունը. հոկտեմբերի 1-ին Երևանի պարսկական կայազորը անձնատուր է լինում: Ընկնում է պարսկական սատրապության վերջին հենարանը Անդրկովկասում:

Սարգարապատի, ապա Երևանի գրավման փաստը, ինչպես երևում է Եղիազար Լազարյանին գրած նամակից, ներսեսը համարել է Հայաստանի ազատագրում «ի հազարամեայ տառապանաց՝ կամ որպէս յարմար է ասել, ի դժոխատաղնայ գերութիւնից և յանօրէն բռնակալութիւնից բարբարոսաց»⁷⁵: Այդ ակտի կապակցությամբ նույն խոհերն էին համակել Հարություն Ալամդարյանին, որը ներսեսին գրում էր. «Շնորհավորեմ զփրկութիւն Հայաստան աշխարհի յերկաթէ հնոցի անազորոյն պարսից...»⁷⁶: Իսկ խաչատուր Լազարյանն իր ուրախությունն արտահայտել է հետևյալ կերպ. «Վերջապես գթացեալ ամենակարող տէրն յանտերունչ որդիս Հայաստանի՝ ողորմեցաւ նոցա ըստ մեծի ողորմութեան իւրում և բարեյաճեցաւ ազատել նոցա ի ձեռաց անօրինաց... զամբոցն Երևանայ նուաճեցին ահա ընդ իշխանութեամբ Աստուածազօր տերութեանս...»⁷⁷:

Հայրենի երկրի ազատագրմանը նվիրված ներսեսի բոլորանվեր գործունեությունը երախտագիտության զգացում է առաջացրել ժամանակի հայ հասարակության բոլոր շերտերում: Այդ գործունեության գնահատականը կա խաչատուր Լազարյանի նամակում (8. 11. 1827 թ.), ուր նամակագիրը հույս է հայտնում, որ շուտով շնորհավորելու է Աշտարակեցուն «Բարձրագոյն ողոր-

72 Մաշտոցի անվ. Մատենադարան, Աշտարակեցու արխիվ, թղթ. 166, վավ. 813:

73 Նույն տեղում, Աշտարակեցու արխիվ, թղթ. 166, վավ. 819:

74 Նույն տեղում, վավ. 818:

75 Նույն տեղում, վավ. 821:

76 Նույն տեղում, Կաթողիկոսական դիվան, թղթ. 55, վավ. 208:

77 Նույն տեղում, Այ. Արիցյանի արխիվ, թղթ. 156, վավ. 58:

մածութեան» առթիվ⁷⁸։ Ներսեսի հասցեին զրվատանքի խոսքեր է պարունակում Ռուսաստանի հայոց թեմի առաջնորդ Հովհաննես արքեպիսկոպոսի նամակը (24. 12. 1827 թ.)⁷⁹։ Նախիջևանի հայ հասարակությունը 1827 թ. դեկտեմբերի 6-ի շնորհավորական-ներբողական իր ուղերձը հղել է Ներսես Աշտարակեցու անունով։ Ուղերձում հատկանշական են հետևյալ տողերը. «Մեք տեսաք զայս ամենայն աշօք մերովք և մեք ևրջանիկ եղանք քան զհարս մեր, որք զվիճակ Հայաստանի արուսուօք պատուեցին, մեք այժմ պարտաւոր եմք ի վերա գերեզմանաց նախնեաց մերոց աւետարանիլ զփրկութիւն հայրենեաց մերոց աւանդելով զանուն փրկչիդ նորա յորդոց որդիս»⁸⁰։ Թիֆլիսի ներսիսյան դպրոցի ուսուցիչ Շահան-Ջրպետը ռուսական բանակի հաջող գործողությունների վերաբերյալ 1827 թ. հոկտեմբերի 25-ին հիացմունք արտահայտող նամակ է հասցեագրել Ներսեսին⁸¹։

Հոկտեմբերի 13-ին գեներալ էրիսթովի զորագունդը գրավել էր Թավրիզը, որի անկումից հետո շահական կառավարությունը հաշտություն է խնդրում։ Բանակցությունները սկսվում են նոյեմբերի 7-ին, Դեհխարղանում։ Դեկտեմբերի 22-ին, շնորհավորելով Սղնախի հասարակությանը, Ներսեսը գրում է. «...ահա զոհանամք զԱստուած զի շնորհօք մեծ ողորմածութեանց նորա կորագլուխ եղեալ թշնամեաց խաշին Քրիստոսի, բռնակալաց Հայաստան ազգի և մեծ Հայաստանի Արարատեան աշխարհի»⁸²։ Թեև հաշտության պայմանագիր դեռևս չէր կնքված, բայց Ներսեսը, ինչպես երևում է այս տողերից, չէր տարակուսում, որ Արարատյան աշխարհն ու նրա տարածքի վրա գտնվող հայությունն ազատագրված են բարբարոսական լծից։

Իրոք, հետագա դեպքերն ու ռուսական բանակի ռազմական նոր հաջողությունները շահական կառավարությանը հարկադրում են կնքել Ռուսաստանին ձեռնտու, իսկ հայ ժողովրդի համար բախտորոշ նշանակություն ունեցող Թուրքմենչայի հաշտության հայտնի պայմանագիրը։

Թուրքմենչայը արդյունք էր ռուս-պարսկական 1826—1828 թթ. պատերազմի, որի ընթացքում նոր որակով ու դրսևորմամբ արտահայտվեց ռուս և հայ ժողովուրդների ռազմական համագործակցությունը⁸³, դեպի Ռուսաստանը հայերի ունեցած քաղաքական հակվածության համաժողովրդական բնույթը, հայ և ռուս ժողովուրդների բարեկամական կապերի ամրությունը, ռուսական զորաջոկատների նկատմամբ հայ աշխատավորական զանգվածների ունեցած ամենաջերմ վերաբերմունքը։ Այդ իրողությունը դեպքերի ժամանակակից, ռուս պատմաբան Ս. Գլինկան արտահայտել է հետևյալ կերպ. «Зазвучало оружие русских у вершин Арарата, и дух Армении стал на вспомогательную стражу полков русских»⁸⁴.

78 Նույն տեղում, Լաղարյանների արխիվ, թղթ. 103, գ. 5, վավ. 286։

79 Նույն տեղում, Կաթողիկոսական դիվան, թղթ. 55, վավ. 105։

80 Նույն տեղում, վավ. 76։

81 Նույն տեղում, Ալ. Երիցյանի արխիվ, թղթ. 153, վավ. 124։

82 Նույն տեղում, Աշտարակեցու արխիվ, թղթ. 166, վավ. 291։

82 Տե՛ս Զ. Գրիգորյան, Ռուս և հայ ժողովուրդների ռազմական համագործակցությունը XIX դարի սկզբին, Երևան, 1957։

84 С. Г л и н к а, Обзорение истории армянского народа, ч. 2, М., 1832, էջ 253։

УЧАСТИЕ АРМЯНСКОГО НАРОДА
В РУССКО-ПЕРСИДСКОЙ ВОЙНЕ 1826—1828 гг.

К. М. ОГАНЕСЯН

(Резюме)

В статье, написанной на основе первоисточников, отражены вопросы русско-армянских отношений в период русско-персидской войны 1826—1828 гг. В период войны русская ориентация армян Восточной Армении носила всенародный характер, и многовековые чаяния масс трудового народа связывались с исходом этой войны. Архивные материалы свидетельствуют о массовом героизме армянского народа и о многочисленных фактах оказания материальной помощи русскому войску. В статье говорится также об отношении современников к вопросу организации армянских ополченческих отрядов и добровольческих дружин, а также о некоторых сторонах деятельности видного деятеля армянского освободительного движения Нерсеса Аштаракци.